



Broj: 11-04-38-sl./11
Sarajevo, 16.08. 2011. godine

SVIM OSNOVNIM ŠKOLAMA NA PODRUČJU KANTONA SARAJEVO

n/r direktora/direktorice

PREDMET: Dopuna Nastavnog plana i programa za osnovnu školu

Cijenjeni/Cijenjena,

U skladu sa Zaključkom Vlade Kantona Sarajevo, broj: 02-05-18191-1/11 Od 20.05.2011. godine od školske 2011/2012. godine u osnovnim školama na području Kantona Sarajevo uvodi se izborno-obavezni nastavni predmet pod nazivom DRUŠTVO/KULTURA/RELIGIJA za učenike koji ne pohađaju nastavni predmet Vjeronauka i realiziraće se od prvog do devetog razreda devetogodišnje osnovne škole i u osmom razredu osmogodišnje osnovne škole.

S tim u vezi, na prijedlog ekspertnog tima i stručne službe Ministarstva, donio sam Nastavni plan i program za predmet Društvo/Kultura/Religija od prvog do devetog razreda uz posebne napomene koje slijede:

Novi nastavni predmet je koncipiran na način da se izučava u tri cjeline:

1. od prvog do petog razreda
2. šesti i sedmi razred
3. osmi i deveti razred.

Profil kadra koji će realizirati nastavu iz predmeta Društvo/Kultura/Religija od prvog do petog razreda dat je kako slijedi:

1. nastavnici razredne nastave koji imaju uslove za realiziranje razredne nastave od prvog do petog razreda škole
2. pored nastavnika iz tačke 1., u petom razredu škole nastavu mogu realizirati nastavnici sa završenim nastavničkim fakultetom društvenog smjera.

Profil kadra koji će realizirati nastavu iz predmeta Društvo/Kultura/Religija u šestom i sedmom razredu dat je kako slijedi:

1. nastavnici koji imaju uslove za realiziranje nastave iz predmeta Kultura življenja
2. nastavnici sa završenim nastavničkim fakultetom društvenog smjera.

Profil kadra koji će realizirati nastavu iz predmeta Društvo/Kultura/Religija u osmom i devetom razredu dat je kako slijedi:

1. nastavnici sa završenim nastavničkim fakultetom društvenom smjera
2. nastavnici sa završenim ostalim fakultetima društvenog smjera, uz položenu pedagoško-psihološku grupu predmeta.



U prilogu Vam dostavljamo Nastavni plan i program za predmet Društvo/Kultura/Religija od prvog do devetog razreda devetogodišnje osnovne škole koji će se u Kantonu Sarajevo primjenjivati u školskoj 2011/2012. godini i u narednim školskim godinama.

Kako bismo sve učenike stavili u ravnopravan položaj, u prilogu Vam dostavljamo jedinstven anketni list koji se odnosi na saglasnost roditelja za pohađanje nastavnog predmeta Vjeronauka ili Društvo/Kultura/Religija, uz obavezu škole da dostavljeni anketni list proslijede roditeljima učenika na početku školske godine, kako bi se roditelji/učenici opredijelili za jedan od ponuđenih predmeta (Vjeronauka ili Društvo/Kultura/Religija), koji za učenike postaje obavezni nastavni predmet.

S obzirom da su u toku pripreme za početak edukacije nastavnog kadra koji će realizirati nastavni predmet Društvo/Kultura/Religija, o terminima edukacije nastavnika ćete biti blagovremeno obaviješteni.

Kao što Vam je poznato, Ministarstvo obrazovanja i nauke je u proteklom periodu za Kanton Sarajevo donijelo nastavni plan i program od prvog do devetog razreda osnovne škole, slijedeći Okvirni model nastavnog plana i programa, u kojem nije bilo predviđeno izučavanje nastavnog predmeta Građansko obrazovanje/Demokratija i ljudska prava.

Smatrajući značajnim segmentom odgojno-obrazovnog procesa u cjelini sadržaje koji se obrađuju u navedenom predmetu, odlučili smo da nastavni predmet pod novim nazivom Građansko obrazovanje uvedemo u deveti razred devetogodišnje osnovne škole u osnovnim školama na području Kantona Sarajevo.

Profil kadra koji će realizirati nastavu iz predmeta Građansko obrazovanje dat je kako slijedi:

1. nastavnici koji su završili obuku za sadržaje iz ovog predmeta iz programa Civitasa Bosne i Hercegovine i koji posjeduju Civitasov certifikat o završenoj obuci (nastavnici koji trenutno realiziraju nastavu iz predmeta Građansko obrazovanje/ Demokratija i ljudska prava)
2. nastavnici sa završenim nastavničkim fakultetom društvenog smjera
3. nastavnici sa završenim ostalim fakultetima društvenog smjera, uz položenu pedagoško-psihološku grupu predmeta.

S poštovanjem,



- Prilozi:
1. Nastavni plan i program za predmet Društvo/Kultura/Religija od prvog do devetog razreda
 2. Anketni list za roditelje
 3. Odluka o dopuni nastavnog plana i programa za osnovnu školu

Dostavljeno: - naslovu
- Prosvjetno-pedagoški zavod
- a/a



web: <http://www.monks.ba>
e-mail: monks@ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1





Na osnovu čl. 25. Zakona o osnovnom odgoju i obrazovanju ("Službene novine Kantona Sarajevo" br. 10/04, 21/06 i 26/08), u skladu sa Zaključkom Vlade Kantona Sarajevo, broj: 02-05-18191-1/11 od 20.05.2011. godine, te na prijedlog stručne službe Ministarstva i Prosvjetno-pedagoškog zavoda Kantona Sarajevo, Ministar obrazovanja i nauke Kantona Sarajevo donosi

DOPUNU NASTAVNOG PLANA I PROGRAMA ZA OSNOVNU ŠKOLU

I

Nastavni plan i program devetogodišnje osnovne škole dopunjava se sa dva nastavna predmeta koji će se izučavati kako slijedi:

- **DRUŠTVO/KULTURA/RELIGIJA**, kao izborno-obavezni nastavni predmet, za učenike koji ne pohađaju nastavni predmet VJERONAUKA/VJERONAUKE, sa po jednim časom sedmično od I do IX razreda devetogodišnje osnovne škole.
- **GRADANSKO OBRAZOVANJE**, sa po jednim časom sedmično u IX razredu devetogodišnje osnovne škole.

II

Nastavni plan i program osmogodišnje osnovne škole dopunjava se sa nastavnim predmetom **DRUŠTVO/KULTURA/RELIGIJA**, kao izborno-obavezni nastavni predmet, za učenike koji ne pohađaju nastavni predmet VJERONAUKA/VJERONAUKE, koji će se izučavati sa po jednim časom sedmično u VIII razredu osmogodišnje osnovne škole.

III

Nastavni plan i program iz prethodne tačke će se primjenjivati u školskoj 2011./2012. godini i slijedećim školskim godinama u razredima kako je to dato u tački I i II ove odluke.

IV

Ministarstvo obrazovanja i nauke Kantona Sarajevo će Nastavni plan i program iz tačke I dostaviti svim osnovnim školama Kantona Sarajevo i drugim relevantnim ustanovama, najkasnije do 16. avgusta 2011. godine, radi njegove daljnje provedbe.

IV

Nastavni plan i program iz tačke I, nakon objedinjavanja, objavljuje se u "Službenim novinama Kantona Sarajevo".

Broj : 11-01-38-16533-5/11
Sarajevo, 08.08.2011. godine



MINISTAR
Dr. Emir Suljagić



e-mail: mon@mon.ks.gov.ba, www.monks.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



